



SLUŽBENI GLASNIK OPĆINE TEŠANJ

| | | |
|--|--|--|
| IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: optesanj@bih.net.ba | Godina XLVI - Broj 10 Srijeda, 04.12.2013. godine TEŠANJ | ŠTAMPA: Općina Tešanj Kompiuterska priprema: Stručni odjel Općine "Službeni glasnik" izlazi po potrebi |
|--|--|--|

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), Općinsko vijeće Tešanj na svojoj 13. sjednici održanoj dana 28.11.2013. godine donosi

PREDSJEDAVAJUĆI VIJEĆE
Fuad Šišić, s.r.

Broj: 01-02-1-2713-3/13
Datum: 29.11.2013. godine

ODLUKU

o izmjenama i dopunama Odluke o stipendiranju redovnih studenata dodiplomskog studija (prvog ciklusa) u akademskoj 2013/14. godini

Član 1.

Član 7. Odluke o stipendiranju redovnih studenata dodiplomskog studija (prvog ciklusa) u akademskoj 2013/14. godini, broj: 01-02-1-2713-2/13, ("Službeni glasnik općine Tešanj" broj:9/13) mijenja se i glasi:

"Pravo na konkurisanje imaju svi studenti čija primanja po članu domaćinstva nisu viša od **350,00 KM** s tim što će se odabir krajnjih budućih stipendista vršiti na osnovu bodovanja.

Studenti iz kategorije PPBiŠ, studenti čiji su roditelji nosioci najviših ratnih priznanja, studenti iz porodice RVI sa stepenom invalidnosti sa i preko 50%, studenti sa prosjekom ocjena 9 i više i učenici generacije iz srednje škole, stipendiju dobivaju automatizmom bez bodovanja i bez obzira na profil zanimanja."

Član 2.

Ova Odluka stupa na snagu danom objavljivanja u „Službenom glasniku Općine Tešanj“, a primjenjivat će se u postupku po raspisanom Konkursu za dodjelu stipendija redovnim studentima dodiplomskog studija (prvog ciklusa) u akademskoj 2013/14. godini.

OPĆINA TEŠANJ
OPĆINSKO VIJEĆE

Na osnovu člana 8. i člana 13. Zakona o principima lokalne samouprave („Službene novine FBiH“, broj:49/06), člana 8. Odluke o građevinskom zemljištu („Službene novine FBiH“, broj:1/11) a u vezi sa članom 6. Odluke o pogodnostima za investitore u RP Poslovna zona "Bukva" ("Službeni glasnik Općine Tešanj", broj:6/13) i člana 14. Statuta Općine Tešanj ("Službeni glasnik Općine Tešanj", broj:11/07) Općinsko vijeće na svojoj 13. sjednici održanoj dana 28.11.2013. godine, donosi

ODLUKU

o odobravanju raspisivanja javnog konkursa

Član 1.

Odobrava se raspisivanje Javnog konkursa za građevinsku parcelu broj:5/24 zv."Vila" livada 3 klase površine 3880 m² upisana u PL 740 za K.O.Novo Selo, (s.p.k.č.broj:4255/13 zv."Vila" livada 3 klase površine 3880 m² upisana u zk uložak broj:1198 K.O. Tešanj), radi privođenja zemljišta krajnjoj namjeni (izgradnja poslovnog objekta).

Predmetna parcela se nalazi na lokalitetu u naseljenom mjestu Bukva u Tešnju u obuhvatu Regulacionog plana „POSLOVNA ZONA BUKVA“ („Službeni glasnik Općine Tešanj“, broj:3/07).

Član 2.

Javni konkurs će se raspisati u skladu sa odredbama Odluke o pogodnostima za investitore u RP Poslovna zona "Bukva" ("Službeni glasnik Općine Tešanj", broj:6/13).

Član 3.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

**OPĆINA TEŠANJ
OPĆINSKO VIJEĆE****PREDSJEDAVALJUĆI VIJEĆE
Fuad Šišić, s.r.**

Broj: 01-31-1-3019-3/13

Datum: 29.11.2013.godine

Na osnovu člana 61. Zakona o građevinskom zemljištu ("Službene novine FBiH", broj: 25/03, 16/04 i 67/05), člana 200. Zakona o upravnom postupku („Službene novine FBiH“, broj:2/98 i 48/99) i člana 14. Statuta Općine Tešanj ("Službeni glasnik Općine Tešanj", broj: 11/07), a po zahtjevu Kokić (Omer) Hamde-mlađi iz Raduše, radi utvrđivanja prava vlasništva na zemljištu državne svojine, Općinsko vijeće Općine Tešanj, na svojoj redovnoj sjednici održanoj dana 28.11.2013.godine, donosi

RJEŠENJE

I. Na građevinskom zemljištu označenom kao: k.č.broj:3486/2 zv."Skenderovača" njiva 4. klase površine 701 m² upisana u zemljišno knjižni uložak broj:956 K.O. Tešanj vlasništvo Državna svojina sa dijelom 1/1, kojoj prema podacima novog premjera odgovara parcela označena kao:

k.p.broj:409/6 zv."Senderovača" njiva 4.klase površine 701 m² upisana u PL 2202 K.O. Raduša korisnik Kokić (Omer) Hamdo-mlađi iz Raduše sa dijelom 1/1, utvrđuje se pravo vlasništva na navedenom zemljištu u korist graditelja Kokić (Omer) Hamdo-mlađi iz Raduše.

II. Kokić (Omer) Hamdo-mlađi iz Raduše uplatio je općinsku administrativnu taksu u iznosu od 50,00 KM.

III. Nakon pravosnažnosti ovog rješenja i ovjere ovog rješenja u poreznoj upravi, na zahtjev stranke Zemljišno knjižni ured Općinskog suda u Tešnju će izvršiti brisanje ranijeg upisa na zemljištu navedenom u tački I. dispozitiva ovog rješenja i nakon toga izvršiti uknjižbu prava vlasništva u korist:

Kokić (Omer) Hamdo-mlađi iz Raduše sa dijelom 1/1.

IV. Ovo rješenje ima se objaviti u "Službenom glasniku Općine Tešanj."

O b r a z l o ž e n j e

Kod Službe za katastar, urbanizam i imovinsko-pravne poslove, Općine Tešanj, na zapisnik je u ime Kokić (Omera) Hamde-mlađi iz Raduše zahtjev podnio Hundur Fadil, radi rješavanja imovinsko pravih odnosa odnosno upisa prava vlasništva na parceli 409/6 K.O. Raduša koja je u zemljišnim knjigama upisana kao državna svojina.

U cilju rješavanja napijed navedenog zahtjeva, na licu mjesta održana je usmena rasprava, te je Članom 61.Zakona o građevinskom zemljištu (Sl.novine FBiH broj:67/05) propisano da se na građevinskom zemljištu u državnj svojnini na kojem je izgrađena zgrada bez prava korištenja zemljišta radi građenja za koju se može naknadno izdati odobrenje za građenje po odredbama Zakona o prostornom uređenju, općinsko Vijeće će utvrditi prava vlasništva u korist graditelja, odnosno njegovog pravnog sljednika, uz obavezu plaćanja naknade za dodijeljeno građevinsko zemljište na korišćenje i uređenje građevinskog zemljišta.

Nakon zaprimljenog zahtjeva, na licu mjesta kod predmetne parcele održana je usmena rasprava kojoj je pristupio Hundur Fadil sin Mustafin koji je u ime podnositelja zahtjeva na zapisnik istakao da podnositelj zahtjeva ostaje u potpunosti kod podnesenog zahtjeva, da je podnositelj zahtjeva za izgrađeni objekat na predmetnoj parceli dobio urbanističku dozvolu, koja se nalazi u odjeljenju za urbanizam, te da je podnošenjem zahtjeva za dobijanje građevinske dozvole za navedeni objekat, utvrđeno da je predmetno zemljište u zemljišnoj knjizi upisano kao državna svojina.Predmetna parcela se u katastarskom operatu vodi na ime Kokić Hamde, i istu je naslijedio od svog oca Omera, te da podnosilac zahtjeva traži upis prava vlasništva na predmetnoj parceli i predlaže da se u predmetu postupka saslušaju svjedoci Omahać Mujo i Fejzo iz Raduše.

Nakon toga, na licu mjesta, od strane stručnog lica geodetske struke izvršena je identifikacija predmetne parcele, uvidom na licu mjesta i uvidom u važeće katastarske planove utvrđeno je da se radi po novom premjeru o parceli 409/6 zv."Senderovača" njiva 4 klase površine 701 m² upisana u PL 2202 K.O. Raduša posjed Kokić (Omer) Hamdo-mlađi iz Raduše sa dijelom 1/1.Na parceli 409/6 je sagrađena kuća površine oko 100 m².Po starom katastarskom operatu parcela novog premjera 409/6 odgovara dijelu parcele 3486 zv."Trešnjica" njiva 16930 m² upisana u zk uložak 956 K.O. Tešanj vlasništvo Državna svojina sa dijelom 1/1. Na osnovu Ugovora o kupoprodaji od

01.09.1965.g., Ov.br.12/71 parcelu 3486 od Zemljoradničke zadruge Okolica kupio je Kokić Hamdo sin Omera iz Dž.Planja i stavkom promjena 2/71 Kokić Omera Hamdo je upisan u posjed po starom katasatskom operatu.

Uvidom u PL 2202 K.O. Raduša, utvrđeno je da je parcela označena kao k.p.broj:409/6 zv."Senderovača" njiva 4.klase površine 701 m2 upisana u posjed Kokić (Omer) Hamdo-mlađi iz Raduše sa dijelom 1/1.

Usklađenjem predmetne parcele novog premjera 409/6 sa parcelom starog premjera, utvrđeno je da je parcela označena kao k.č.broj:3486/2 zv."Skenderovača" njiva 4. klase površine 701 m2 upisana u zemljišno knjižni uložak broj:956 K.O. Tešanj vlasništvo Državna svojina sa dijelom 1/1.

Stručno lice urbanističke struke na zapisnik je istaklo da se predmetna parcela nalazi u naseljenom mjestu Raduša, i ista je u obuhvatu Urbanog područja Raduša Prostornog plana općine Tešanj u okviru kojeg je dozvoljena izgradnja stambenih objekata i objekata mješovite funkcije. Za izgrađeni stambeni objekat na predmetnoj parceli izdata je urbanistička saglasnost broj:06-23-1-1239/12 od 14.01.2013.g., tako da se za isti može izdati i odobrenje za građenje.

U predmetu postupka općinsko pravobranilaštvo u svojstvu stranke na zapisnik je istaklo da na osnovu naprijed iznesenih činjenica i dokaza unutar provedenog postupka, a uzevši u obzir i kupoprodajni ugovor zaključen između Zemljoradničke zadruge Tešanj i Kokić Hamde sina Omera od dana, 12.04.1965.g., i nalaz stručnog lica urbanističke struke, općinsko pravobranilaštvo se neće protiviti podnešenom zahtjevu, te smatra da se istom može udovoljiti.

Uvidom u ovjeren kod opštinskog suda u Tešnju Ugovor o kupoprodaji Ov.br.462/65. od 01.09.1965.g., utvrđeno je da je ugovor zaključen između Zemljoradničke zadruge Tešanj i Okolica i Kokić umrlog Omera Hamde iz Dž.Planja, kojim Zemljoradnička zadruga Tešanj i Okolica u Tešnju prodaje kupcu Kokić Hamdi iz Dž.Planja zemljište koje se nalazi u Dž.Planjama zv."Trešnjica" označena kao k.č broj:3486 K.O. Tešanj u površini od 16.930 m2, i u tački III. navedenog ugovora navedeno je da kupac na osnovu ugovora izvrši uknjižbu prava vlasništva nakupljenom zemljištu.

U toku postupka provedena su dokazna sredstva i to:usmena rasprava na licu mjesta dana, saslušani svjedoci, uvid u PL 2202 K.O. Raduša, uvid u zk uložak 956 K.O. Tešanj, identifikacija predmetne parcele od strane stručnog lica geodetske struke, pribavljeno mišljenje stručnog lica urbanističke struke i općinskog pravobranilaštva,

usklađenje predmetne parcele po starom premjeru odnosno prema podacima zemljišne knjige, izvršen uvid u rješenje broj:06-23-1-1239/12 od 14.01.2013.g. kojim se daje urbanistička saglasnost za izgradnju stambenog objekta na parceli 409/6 K.O. Raduša i uvid u rješenje broj:04-361-67/86 od 14.02.1986.g. kojim se obobrava Kokić (Hamdo) Omeru izgradnja stambene zgrade na parceli 409/2 K.O. Raduša koja graniči sa predmetnom parcelom.

Na osnovu člana 4. i člana 33. stav 1.a lineje 4. Odluke o građevinskom zemljištu ("Službeni glasnik Općine Tešanj", broj:1/11), ustanovljeno je da se predmetno zemljište nalazi u obuhvatu Prostornog plana Općine Tešanj, te da ima status građevinskog zemljišta, te se na isto primjenjuju odredbe Zakona o građevinskom zemljištu.

Kako je u toku postupka ustanovljeno da je na predmetnoj parceli izgrađen stambeni objekat (kuća), da je izgrađeni objekat na k.p.broj:409/6 K.O. Raduša od podnosioca zahtjeva, da je predmetnu parcelu podnosilac zahtjeva Darovnim ugovorom dobio od svog oca Kokić (Hamde) Omera, da je predmetna parcela na kojoj je izgrađen stambeni objekat u zemljišnoj knjizi upisano u vlasništvo državna svojina, odnosno da je stambeni objekat izgrađen na građevinskom zemljištu na kojem podnosilac zahtjeva nema pravo korištenja, da za isti objekat postoji izdato rješenje o urbanističkoj saglasnosti, da sa predmetnim zemljištem graniči parcela od oca podnosioca zahtjeva a na kojoj je izgrađen stambeni objekat za koji postoji izdato rješenje za izgradnju porodične stambene zgrade, da su u predmetu postupka pribavljena stručna mišljenja kao i da se u predmetu postupka izjasnilo općinsko pravobranilaštvo, kao i činjenice da je u starom katastarskom operatu predmetna parcela upisana na ime Kokić (Omer) Hamdo tj. djeda od podnosioca zahtjeva, da je 1965.g. Kokić Hamdo, djed od podnosioca zahtjeva, predmetno zemljište kupio ugovorom koji nije proveden u zemljišnoj knjizi, Općinsko vijeće ustanovilo da su ispunjeni uslovi iz člana 61. Zakona o građevinskom zemljištu ("Službene novine FBiH", broj:67/05) i odlučilo kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje ima se objaviti u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

PREDSJEDAVALJUĆI VIJEĆE**Fuad Šišić, s.r.****Broj: 01-31-1-2632-21/13****Datum: 29.11.2013., godine**

Na osnovu člana 61. Zakona o građevinskom zemljištu ("Službene novine FBiH", broj: 25/03, 16/04 i 67/05), člana 200. Zakona o upravnom postupku („Službene novine FBiH“, broj: 2/98 i 48/99) i člana 14. Statuta Općine Tešanj ("Službeni glasnik Općine Tešanj", broj: 11/07), a po zahtjevu Turkeš (Haso) Rasima iz Džemilić Planja kojeg zastupa Ramić Amra iz Džemilić Planja, radi utvrđivanja prava vlasništva na zemljištu državne svojine, Općinsko vijeće Općine Tešanj, na svojoj redovnoj sjednici održanoj dana 28.11.2013. godine, donosi

RJEŠENJE

I. UKIDA se status javnog dobra na zemljištu označenom kao k.č.broj:127/2 zv. „Džemilić Planje Put“ njiva 5. klase površine 31 m², upisana u zemljišno knjižni uložak broj:8 K.O.Džemilić Planje vlasništvo Javno dobro-put sa 1/1 dijela, n.p.k.p.broj:1423/3 zv. "Džemilić Planje put" njiva 5. klase površine 31 m² upisano u PL 67 K.O. Dž.Planje korisnik DR.SV.Javno dobro vode i putevi Tešanj sa dijelom 1/1.

II. Na građevinskom zemljištu označenom kao: k.č.broj:127/2 zv. „Džemilić Planje Put“ njiva 5. klase površine 31 m², upisana u zemljišno knjižni uložak broj:8 K.O.Džemilić Planje vlasništvo Javno dobro-put sa 1/1 dijela, kojoj prema podacima novog premjera odgovara parcela označena kao:

k.p.broj:1423/3 zv. "Džemilić Planje put" njiva 5. klase površine 31 m² upisano u PL 67 K.O. Dž.Planje korisnik DR.SV.Javno dobro vode i putevi Tešanj sa dijelom 1/1, utvrđuje se pravo vlasništva na navedenom zemljištu u korist graditelja Turkeš (Haso) Rasim iz Džemilić Planja.

III. Turkeš (Haso) Rasim iz Džemilić Planja je obavezan platiti naknadu u skladu sa Zakonom o građevinskom zemljištu i Odlukom o građevinskom zemljištu za nekretninu iz tačke II. dispozitiva ovog rješenja, u iznosu od 620,00 KM i to u roku od 8 dana računajući od dana pravosnažnosti ovog rješenja na račun budžeta Općine Tešanj kod Vakufske banke d.d. Sarajevo, broj:1603000330017641 šifra općina 090, vrsta prihoda 722431 i naknadu u iznosu od 290,00KM na ime cijepanja parcele i identifikovanja parcela, usklađenja parcele u skladu sa Privremenom

odlukom o naknadama za vršenje usluga („Službene novine FBiH“, broj.69/05) i Tarifnim brojem 2.2.1.,4.1.2. i 1.3.1., vrsta prihoda 722516, a dokaz o izmirenoj obavezi dužan je dostaviti općinskom organu uprave nadležnom za imovinsko pravne poslove Općine Tešanj.

IV. Nakon pravosnažnosti ovog rješenja i dostave dokaza o izvršenoj uplati iznosa navedenog u tački III. dispozitiva ovog rješenja, te ovjere ovog rješenja u poreznoj upravi, na zahtjev stranke Odjeljenje za geodetske poslove i katastar, Općine Tešanj će izvršiti brisanje ranijeg upisa na zemljištu navedenom u tački II. dispozitiva ovog rješenja i izvršiti upis prava korištenja, dok će Zemljišno knjižni ured Općinskog suda u Tešnju izvršiti brisanje ranijeg upisa na zemljištu navedenom u tački II. dispozitiva ovog rješenja i nakon toga izvršiti uknjižbu prava vlasništva u korist:

Turkeš (Haso) Rasim iz Džemilić Planja sa dijelom 1/1.

V. Ovo rješenje ima se objaviti u "Službenom glasniku Općine Tešanj."

Obrazloženje

Kod Službe za katastar, urbanizam i imovinsko pravne poslove općine Tešanj, zaprimljen je od strane Turkeš (Haso) Rasima iz Dž.Planja kojeg zastupa Ramić Amra iz Dž.Planja, zahtjev radi ispravke upisa u katastarskom operatu odnosno ispravke dijela parcele k.p. broj:1423 K.O. Dž.Planje koja je greškom ucrtana i pripojena parceli označenoj kao dio k.p.broj:924/2 K.O. Dž.Planje na kojoj je izgrađen objekat.

Na osnovu zaprimljenog zahtjeva, na licu mjesta kod predmetne parcele održana je usmena rasprava, na kojoj je punomoćnik Amra Ramić koja zastupa podnosioca zahtjeva Turkeš Rasima, na zapisnik istakla da podnosilac zahtjeva odnosno njen otac Turkeš Rasim nije znao za činjenicu da je postojeći objekat na terenu tj. trgovina jednim dijelom na zemljištu dr.sv. dok nije podnio zahtjev za legalizaciju objekta, odnosno podnosilac zahtjeva smatra da objekat nije na zemljištu dr sv iz razloga kad je kupio predmetno zemljište od Turkeš Mehe otprilike 1981.g., katastarska granica bila je ispred objekta oko dva metra i na tom dijelu bila je šuma odnosno gaj.Postojeći objekat napravljen je pred sam rat 1991.g., na istom mjesto prvo je bila garaža, kasnije je promjenjena namjena u poslovni objekat koji je u funkciji od 1998.g.Parcela do objekta je vlasništvo podnosioca zahtjeva koja je kupljena od Mehmedalije Travnjaka a postojeća ograda postavljena je otprilike prije pet do šest godina.Sa druge strane objekat graniči sa parcelom od majke podnosioca zahtjevaa istu su nasljedila njena djeca, a postojeću ogradu postavio je

podnosilac zahtjeva u isto vrijeme kada je postavio ogradu i na svojoj parceli. Prostor ispred objekta podnosilac zahtjeva je sopstvenim sredstvima finansirao radi boljeg izgleda i pristupa trgovini, a put koji graniči sa istim je asfaltiran prije. Podnosilac zahtjeva smatra da je dio pokazanog zemljišta njegovo vlasništvo, nikad nije bilo smetnji oko uživanja i korištenja predmetnog zemljišta od strane drugih, kao i da podnosilac zahtjeva nije znao daje objekat jednim dijelom na zemljištu dr sv.

Nakon izvršenog geodetskog snimanja predmetne lokacije, i identifikacije predmetnih parcela stručno lice geodetske struke istaklo da izgrađeni objekat od oko 8 m² pada u putno zemljište, te da je uvidom u stari katastarski premjer utvrđeno da nema dovoljno numeričkih podataka odnosno originalne skice snimanja kojim bi se rekonstrualo granica prema putnom zemljištu a grafička razmjera iznosi 1:6250, da je tako nemoguće odrediti grafičke elemente potrebne za iskolčenje a da se opet ostane u granicama tačnosti plana novog premjera, tj. stručno lice geodetske struke ne može se izjasniti da li je greška dešifrovanja međne linije između privatnog i državnog zemljišta nastala prilikom aviosnimanja.

Punomoćnik podnosioca zahtjeva, nakon što je upoznata sa nalazom stručnog lica geodetske struke, na zapisnik je istakla da je upoznata sa nalazom izvršenog geodetskog snimanja predmetne lokacije i sa mišljenjem datom od strane stručnog lica geodetske struke, a kako se ne može utvrditi da li je greška nastala prilikom aviosnimanja, istakla je želi na zapisnik preimenovati već naprijed navedeni zahtjev, budući da je Turkeš Rasim podnio zahtjev za legalizaciju svog objekta koji dijelom pada na zemljište dr. sv., odnosno da mu se dodjeli dio zemljišta dr sv i to dijela parcele 1423/1 K.O. Dž. Planje, a sve to uz utvrđenu naknadu koju procjenu općinska komisija.

Članom 61. Zakona o građevinskom zemljištu (Sl. novine FBiH broj: 67/05) propisano da se na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja za koju se može naknadno izdati odobrenje za građenje po odredbama Zakona o prostornom uređenju, općinsko Vijeće će utvrditi prava vlasništva u korist graditelja, odnosno njegovog pravnog sljednika, uz obavezu plaćanja naknade za dodijeljeno građevinsko zemljište na korišćenje i uređenje građevinskog zemljišta.

Budući da je podneseni zahtjev primenovan u zahtjev radi dodjele odnosno utvrđivanja prava vlasništva uz utvrđenu naknadu, na licu mjesta kod predmetne parcele održana je usmena rasprava na kojoj je stručno lice urbanističke struke istaklo da se

predmetna parcela nalazi u Dž. Planjama neposredno uz lokalnu cestu a ista je u obuhvatu urbanog područja prostornog plana općine Tešanj, za isti objekat podnšen je zahtjev za legalizaciju a da bi se istom udovoljilo potrebo je riješiti pitanje svojine na jednom dijelu izgrađenog objekta. Odlukom općinskog Vijeća objavljenoj u Službenom glasniku općine Tešanj broj: 7/11, o posebnim uslovima rješavanja statusa izgrađenih objekata članom 3. stav 2. propisano je da se mogu legalizovati izgrađeni objekti koji su od ivice kolovoza lokalne ceste udaljeni minimalno dva metra, te shodno navedenom potrebno je istom udovoljiti da bi se moglo izdati odobrenje za građenje, a predloženo zemljište potrebno za legalizaciju objekata ničim ne umanjuje funkcionalno putnu komunikaciju na terenu.

Nakon izvršenog geodetskog snimanja predmetne lokacije od strane stručnog lica geodetske struke, utvrđeno je da je izvršeno geodetsko snimanje dijela predmetne parcele 1423/1 K.O. Dž. Planje PL 67, odnosno postojeće betonske ograde koja je uz parcelu 925/2, 924/1 i 924/2, te da je cijepanjem parcele označene kao k.p. broj: 1423/1 nastala parcela označena kao k.p. broj: 1423/3 zv. "Džemilić Planje put "njiva 5 klase površina 31 m² tj. površina koja je potrebna za redovnu upotrebu postojećeg objekata na terenu a sve prema Odluci o posebnim uslovima rješavanja statusa izgrađenih objekata Sl. glasnik 7/11 općine Tešanj odnosno prema izjavi stručnog lica urbanističke struke od dana, 14.11.2013.g. Predmetna parcela novog premjera 1423/3 odgovovara parceli starog premjera 127/2 K.O. Dž. Planje.

Na zapisnik je punomoćnik podnosioca zahtjeva istakla da je upoznata sa procjenom vrijednosti dijela predmetnog zemljišta urađene od strane Komisije za procjenu nekretnina, da je upoznata sa nalazom stručnog lica geodetske struke, te da je saglasna sa navedenim odnosno utvrđenom procjenom zemljišta od 20 KM po m² kao i sa površinom zemljišta koja je potrebna predmetnom objektu.

Na isti zapisnik zamjenik općinskog pravobranioca istakla je da s obzirom na izjašnjenje i nalaz stručnih lica urbanističke i geodetske struke, nalaz Komisije za procjenu, te očitovanje podnosioca zahtjeva, općinsko pravobranilaštvo je saglasno i smatra da se istom zahtjevu može udovoljiti, a sve u smislu Člana 61. Zakona o građevinskom zemljištu.

Uvidom u PL 67 K.O. Dž. Planje utvrđeno je da je parcela označena kao k.p. broj: 1423/3 zv. "Džemilić Planje put" njiva 5. klase površine 31

m2 upisana u posjed DR SV Javno dobro vode i putevi sa dijelom 1/1.

Uvidom u PL 451 K.O. Dž.Planje utvrđeno je da su parcele označene kao k.P. Broj:924/1,924/2 i 925/2 upisane u posjed Turkeš (Haso) Rasim iz Dž.Planja sa dijelom 1/1. Uvidom u zk uložak broj:8 K.O. Džemilić Planje, utvrđeno je da je parcela označena kao k.č. broj:127/2 zv."Džemilić Planje Put" njiva 5. klase površine 31 m2 vlasništvo Javno dobro-put sa dijelom 1/1.

U toku postupka provedena su dokazna sredstva i to:dvije usmene rasprave na licu mjesta dana, usmene rasprava u prostorijama ovog organa, uvid u PL 67 i 451 K.O.Dž.Planje, z.k.ul.br. 8 K.O. Dž.Planje, pribavljeno mišljenje stručnog lica urbanističke struke i općinskog pravobranilaštva, te je izvršeno cijepanje predmetne parcele i usklađenje parcele prema podacima zemljišne knjige.

Na osnovu člana 4. i člana 33. stav 1. alineja 4. Odluke o građevinskom zemljištu ("Službeni glasnik Općine Tešanj", broj:1/11), ustanovljeno je da se predmetno zemljište nalazi u obuhvatu Prostornog plana Općine Tešanj, te da ima status građevinskog zemljišta, te se na isto primjenjuju odredbe Zakona o građevinskom zemljištu.

Kako je u toku postupka ustanovljeno da je dio izgrađenog objekta vlasništvo podnosioca zahtjeva izgrađen na zemljištu državne svojine, odnosno na građevinskom zemljištu na kojem podnosilac zahtjeva nema pravo korištenja, da su u predmetu postupka pribavljena stručna mišljenja, da je izvršeno cijepanje i formiranje parcele koja graniči cijelom dužinom parcela podnosioca zahtjeva, da nema smetnje prilikom putne komunikacije na lokalnom put koji graniči sa predmetnim zemljištem, kao i da se u predmetu postupka izjasnilo općinsko pravobranilaštvo, to je Općinsko vijeće ustanovilo da su ispunjeni uslovi iz člana 61. Zakona o građevinskom zemljištu ("Službene novine FBiH", broj:67/05) i odlučilo kao u dispozitivu ovog rješenja.

Iznos naknade koje treba uplatiti podnosilac zahtjeva određen je u iznosu od 620,00 KM, u skladu sa Zakonom o građevinskom zemljištu i Odlukom o građevinskom zemljištu ("Službeni glasnik općine Tešanj", broj:1/11) i istu je potrebno platiti na način određen kao u tački III. dispozitiva ovog rješenja.

Komisija za procjenu vrijednosti nekretnina u prometu je izvršila procjenu dijela nekretnine označene kao k.p.broj:1423/1 K.O.Tešanj I po cijeni od 20 KM/m2, što je utvrđeno na osnovu Zapisnika Komisije za procjenu vrijednosti nekretnina u prometu od 08.11.2013.g.

U skladu sa članom 115.stav 1. Zakona o upravnom postupku („Službene novine FBiH“,

broj:2/98 i 48/99) određeni su troškovi postupka, na način kao u tački III. dispozitiva ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje ima se objaviti u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆE
Fuad Šišić, s.r.**

Broj: 01- 30-3-1797-25/13

Datum: 29.11.2013.godine

Općinsko vijeće Tešanj je na svojoj 13. sjednici održanoj dana 28.11.2013. godine, razmatrajući Nacrt Odluke o administrativnim taksama i naknadama, donijelo sljedeći

ZAKLJUČAK

Prihvata se Nacrt Odluke o administrativnim taksama i naknadama, i upućuje na javnu raspravu.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆE
Fuad Šišić, s.r.**

Broj: 01-02-1-2669-3/13

Datum: 29.11.2013.godine

Općinsko vijeće Tešanj je na svojoj 13. sjednici održanoj dana 28.11.2013. godine, razmatrajući Nacrt Odluke o zaštitnim zonama i zaštitnim mjerama izvorišta "Studenac" na mjesnom vodovodu "Ponikva" Šije, donijelo sljedeći

ZAKLJUČAK

Prihvata se Nacrt Odluke o zaštitnim zonama i zaštitnim mjerama izvorišta "Studenac" na mjesnom vodovodu "Ponikva" Šije, te se sa iznesenim prijedlozima i sugestijama upućuje na javnu raspravu.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆE
Fuad Šišić, s.r.**Broj: 01-25-4-2887-2/13**
Datum: 29.11.2013.godine

Općinsko vijeće Tešanj je na svojoj 13. sjednici održanoj dana 28.11.2013. godine, razmatrajući Informaciju o implementaciji projekta porodične medicine na području općine Tešanj donijelo sljedeći

ZAKLJUČAK

1. Prima se na znanje Informacija o implementaciji porodične medicine u Tešnju, 2001-2013.
2. U cilju jačanja zdravstvenog sektora i podizanja nivoa kvalitete zdravstvenih usluga Općina Tešanj će i dalje podržavati implementaciju porodične medicine.

OPĆINA TEŠANJ
OPĆINSKO VIJEĆE**PREDSJEDAVAJUĆI VIJEĆE**
Fuad Šišić, s.r.**Broj: 01-37-7-2800-3/13**
Datum: 29.11.2013.godine

Općinsko vijeće Tešanj je na svojoj 13. sjednici održanoj dana 28.11.2013. godine, razmatrajući Informaciju o implementaciji projekta porodične medicine na području općine Tešanj, na prijedlog vijećnika Ekrema Ajanovića donijelo sljedeći

ZAKLJUČAK

Općinsko vijeće traži od nadležnih ministarstava da započnu reformu zdravstvenog osiguranja, a prevashodno direktno finansiranje timova porodične medicine a ne putem Domova zdravlja.

OPĆINA TEŠANJ
OPĆINSKO VIJEĆE**PREDSJEDAVAJUĆI VIJEĆE**
Fuad Šišić, s.r.**Broj: 01-37-7-2800-2/13**
Datum: 29.11.2013.godine

Općinsko vijeće Tešanj je na svojoj 13. sjednici održanoj dana 28.11.2013. godine, razmatrajući Informaciju o rješavanju statusa

raseljenih lica na području općine Tešanj donijelo sljedeći

ZAKLJUČAK

Prima se na znanje Informacija o rješavanju statusa raseljenih lica na području općine Tešanj.

OPĆINA TEŠANJ
OPĆINSKO VIJEĆE**PREDSJEDAVAJUĆI VIJEĆE**
Fuad Šišić, s.r.**Broj: 01-36-6-2921-2/13**
Datum: 29.11.2013.godine

Općinsko vijeće Tešanj je na svojoj 13. sjednici održanoj dana 28.11.2013. godine, razmatrajući Informaciju o realizaciji I Faze uređenja poslovne zone "Glinište" donijelo sljedeći

ZAKLJUČAK

Prima se na znanje Informacija o realizaciji I Faze uređenja poslovne zone "Glinište".

OPĆINA TEŠANJ
OPĆINSKO VIJEĆE**PREDSJEDAVAJUĆI VIJEĆE**
Fuad Šišić, s.r.**Broj: 01-49-27-2957-2/13**
Datum: 29.11.2013.godine

Općinsko vijeće Tešanj je na svojoj 13. sjednici održanoj dana 28.11.2013. godine, razmatrajući Informaciju o realizaciji I Faze uređenja poslovne zone "Glinište", na prijedlog vijećnika Zaima Hadžana, donijelo sljedeći

ZAKLJUČAK

Općinsko vijeće Tešanj će formirati višestranačku komisiju, koja će zajedno sa Općinskim načelnikom obići sve poslovne zone i sagledati dosadašnje efekte investiranja.

OPĆINA TEŠANJ
OPĆINSKO VIJEĆE**PREDSJEDAVAJUĆI VIJEĆE**
Fuad Šišić, s.r.**Broj: 01-49-27-2957-3/13**
Datum: 29.11.2013.godine

Na osnovu člana 62. Zakona o organizaciji organa uprave "(Službene novine Federacije FBiH" broj 35/05) i člana 30. i 79. Statuta Općine Tešanj ("Službeni glasnik Općine Tešanj" broj 11/07) Općinski načelnik donosi

PRAVILNIK

o izradi, upotrebi, čuvanju i uništavanju pečata u organu uprave Općine Tešanj

I UVOD

Član 1.

Ovim pravilnikom se uređuje način izrade, upotrebe, čuvanja i uništavanja pečata u organu uprave Općine Tešanj (u daljem tekstu: Općina Tešanj) koji se koriste u vršenju poslova iz djelokruga nadležnosti općinskog organa uprave u skladu sa zakonom.

Član 2.

Pečatom se potvrđuje autentičnost isprave ili drugog akta Općine Tešanj kojim se odlučuje ili službeno kontaktira sa strankama, drugim organima, pravnim licima i građanima.

II OBLIK I SADRŽAJ PEČATA

Član 3.

U Općini Tešanj u upotrebi su sljedeći pečati:

1. Veliki pečat **Općinskog vijeća**, ima oblik kruga a sadrži tekst ispisan u koncentričnim krugovima: BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ OPĆINSKO VIJEĆE. U sredini se nalazi grb Općine Tešanj.

2. Veliki pečat **Općinskog načelnika**, ima oblik kruga a sadrži tekst ispisan u koncentričnim krugovima: BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK. U sredini se nalazi grb Općine Tešanj.

3. Veliki pečat **Službe za društvene djelatnosti i investicije**, ima oblik kruga a sadrži tekst ispisan u koncentričnim krugovima: BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK; SLUŽBA ZA DRUŠTVENE DJELATNOSTI I INVESTICIJE. U sredini se nalazi grb općine Tešanj.

4. Veliki pečat **Službe za finansije, privredu, komunalne i inspeksijske poslove**, ima oblik kruga a sadrži tekst ispisan u koncentričnim krugovima: BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK; SLUŽBA ZA FINANSIJE, PRIVREDU, KOMUNALNE I INSPEKCIJSKE POSLOVE. U sredini se nalazi grb općine Tešanj.

5. Veliki pečat **Službe za katastar, urbanizam i imovinsko-pravne poslove**, ima oblik kruga a sadrži tekst ispisan u koncentričnim krugovima: BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK; SLUŽBA ZA KATASTAR, URBANIZAM I IMOVINSKO-PRAVNE POSLOVE. U sredini se nalazi grb Općine Tešanj.

6. Veliki pečat **Službe civilne zaštite**, ima oblik kruga a sadrži tekst ispisan u koncentričnim krugovima: BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK; SLUŽBA CIVILNE ZAŠTITE. U sredini se nalazi grb Općine Tešanj.

7. Veliki pečat **Službe za boračko-invalidsku zaštitu i opću upravu**, ima oblik kruga a sadrži tekst ispisan u koncentričnim krugovima: BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK; SLUŽBA ZA BORAČKO-INVALIDSKU ZAŠTITU I OPĆU UPRAVU. U sredini se nalazi grb općine Tešanj.

III IZRADA PEČATA

Član 4.

Veliki pečati se izrađuju u prečniku od 40 mm (milimetara).

Pored velikih pečata Općina Tešanj ima i druge pečate prečnika 25 mm za ovjeru finansijskih i drugih dokumenata, potvrđivanja i ostalih dokumenta za koje je upotreba velikog pečata nije moguća.

Član 5.

Pored ovih pečata Općina Tešanj može za svoje potrebe i obavljanje poslova iz svog djelokruga izraditi i druge pečate iste ili druge sadržine u skladu sa zakonom o pečatima ako se ukaže potreba za tim i usljed povećanja obima poslova.

Član 6.

O potrebi izrade pečata, njihovoj upotrebi kao i drugim pitanjima vezanim za pečate koji se koriste u Općini Tešanj odlučuje Općinski načelnik.

Član 7.

Izrada pečata vrši se po postupku i na način propisan odredbama člana 8.-13. Zakona o pečatima („Službene novine Federacije BiH“ broj 7/96 i „Službene novine Zeničko-dobojskog kantona“ broj 11/97 i 12/04).

IV UPOTREBA, ČUVANJE I EVIDENCIJA PEČATA**Član 8.**

Pečat se stavlja sa lijeve strane potpisa lica ovlaštenog za potpisivanje službenog akta, ako zakonom ili drugim propisom nije drugačije određeno.

Član 9.

Pečatom rukuje, upotrebljava ga i stara se o njegovom čuvanju samo službena osoba (službenik ili namještenik) u svrhe propisane zakonom i drugim propisima, a kojeg je na osnovu prijedloga pomoćnika ovlastio Općinski načelnik.

Član 10.

Pečat se čuva i upotrebljava u prostorijama Općine Tešanj.

Izuzetno se može upotrebljavati izvan prostorija Općine Tešanj u slučajevima kada treba izvršiti određene službe radnje izvan zgrade općinske uprave.

U slučaju iz stava 2. ovog člana potrebna je saglasnost Općinskog načelnika odnosno pomoćnika općinskog načelnika.

Pečati se čuvaju u metalnoj kasi ili drugom zaključanom mjestu.

Pečati se moraju čuvati i upotrebljavati tako da se onemogućí njihova zloupotreba od strane neovlaštenih lica.

Član 11.

Evidenciju zaduženja sa pečatima u upotrebi i evidenciju svih izrađenih, uništenih ili nestalih pečata vodi Pomoćnik općinskog načelnika ili drugi službenik po ovlaštenju Općinskog načelnika.

VI UNIŠTAVANJE PEČATA**Član 12.**

Pečat koji je zbog istrošenosti ili iz drugih razloga postao neupotrebljiv, mora se odmah uništiti o čemu odlučuje Općinski načelnik.

Službenik ili namještenik ovlašten za rukovanje i upotrebu pečata dužan je pismeno obavijestiti Općinskog načelnika o neupotrebljivosti pečata.

Pečat se smatra neupotrebljivim zbog istrošenosti kad se iz njegovog otiska jasno ne vidi tekst koji daje otisak.

Pečate navedene u predhodnom stavu i pečate koji se stavljaju van upotrebe, Općinski načelnik će izuzeti i imenovati komisiju od tri člana koja će uništiti neupotrebljive pečate.

Komisija je dužna sačiniti zapisnik o uništenim pečatima i na zapisniku uz obrazloženje otisnuti pečat koji se uništava.

Član 13.

Općinski načelnik ili lice ovlašteno za čuvanje i upotrebu pečata dužni su odmah prijaviti nestanak pečata Ministarstvu unutrašnjih poslova, te isto objaviti u „Službenom glasniku Općine Tešanj“.

Nestali pečat se smatra nevažećim od dana oglašavanja u službenom glasniku, a u slučaju kasnijeg pronalaska, nevažeći pečat će se uništiti na način i po postupku propisanom u članu 12. ovog pravilnika.

Član 14.

Primjenom ovog pravilnika prestaje primjena Pravilnika o izradi, upotrebi, čuvanju i uništavanju pečata u općinskom organu uprave Tešanj broj 02-02-1-3525/09 od 18.08.2009. godine, Pravilnika o izmjenama i dopunama broj 02-02-1-3525-2/09 od 07.07.2010. godine i Pravilniak o izmjenama i dopunama broj 02-02-1-3525-3/09 od 26.09.2011. godine.

Član 15.

Ovaj pravilnik stupa na snagu danom donošenja, a primjenjuje se od 01.11.2013. godine i bit će objavljen u „Službenom glasniku Općine Tešanj“.

**OPĆINA TEŠANJ
OPĆINSKO VIJEĆE****OPĆINSKI NAČELNIK
Suad Huskić s.r.****Broj: 02-02-1-2749/13****Datum: 16.10.2013. godine**

Na osnovu člana člana 30. Statuta Općine Tešanj ("Službeni glasnik Općine Tešanj", broj: 11/07), donosim:

R J E Š E N J E**o imenovanju tima za edukaciju o poboljšanju kvaliteta zraka na području općine Tešanj****I**

Imenuje se tim u sljedećem sastavu:

1. Hojkurića Hamzalija , vođa tima
2. Kadušić Edina , član tima
3. Alićehajić Sedad , član tima

4. Saletović Mensur , član tima
5. Ćeman Hasan , član tima

II

Tim treba da u skladu sa ciljem iz Strategije "Tešanj sredina ekološke svijesti, čistoće i reda" izradi Plan aktivnosti za provođenje edukacije za poboljšanje kvaliteta zraka na području općine Tešanj, kako bi pristupio realizaciji aktivnosti koje budu utvrđene navedenim Planom.

III

Imenovani tim je dužan da po realizaciji Plana podnese izvještaj Općinskom načelniku.

IV

Rješenje stupa na snagu danom donošenja i objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić s.r.**

Broj:02-33-1-2931/13

Datum:13.11.2013.godine

Postupajući po zahtjevu Safeta Jašića, a na osnovu člana 25. stav 2. Zakona o ustanovama ("Službeni list RBiH" broj 6/92, 8/93 i 13/94) i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik donosi

RJEŠENJE

**o razrješenju člana upravnog odbora
JU Sportsko rekreacioni centar**

I

Razrješava se dužnosti Safet Jašić, član Upravnog odbora javne ustanove Sportsko rekreacioni centar Tešanj.

II

Primjenom ovog rješenja prestaju ovlaštenja koja je imenovani ostvario rješenjem broj 02-34-5-1972-72/13 od 27.07.2011. godine

III

Zadužuje se Upravni odbor javne ustanove Sportsko-rekreacioni centar Tešanj da organizuje svoj rad do imenovanja novog člana upravnog odbora.

IV

Rješenje se primjenjuje danom donošenja, a objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić s.r.**

Broj: 02-49-2-2613/13

Datum: 30.09.2013. godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03), člana 13. Odluke o utvrđivanju standarda i kriterija za imenovanje na upražnjene pozicije u reguliranim tijelima („Službeni glasnik Općine Tešanj“ broj 8/03) i člana 30. Statuta općine Tešanj ("Službeni glasnik Općine Tešanj" broj 11/07) u postupku imenovanja na položaje u organima u kojima je Općina Tešanj osnivač, a nakon provedene procedure za izbor kandidata po javnom oglasu i utvrđivanju rang liste, Općinski načelnik kao odgovorni javni službenik donosi

RJEŠENJE

**o konačnom imenovanju člana Upravnog odbora
JU "Sportsko rekreacioni centar" Tešanj**

I

Za člana Upravnog odbora JU "Sportsko rekreacioni centar" Tešanj imenuje se Kotorić Jasmin.

II

Mandat člana Upravnog odbora trajat će do isteka mandata predsjednika i člana Upravnog odbora JU "Sportsko rekreacioni centar" Tešanj po Rješenju broj:02-34-5-1972/11 od 27.07.2011.godine

III

Mandat imenovanog počinje teći 19.11.2013. godine.

IV

Ovo Rješenje stupa na snagu danom donošenja i bit će objavljeno u „Službenim novinama Federacije BiH“ i „Službenom glasniku Općine Tešanj“

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić s.r.**

Broj: 02-34-5-2693/13.

Datum: 19.11.2013. godine

SADRŽAJ

I - AKTI OPĆINSKOG VIJEĆA

| | Strana |
|---|---------------|
| 135. ODLUKA o izmjenama i dopunama Odluke o stipendiranju (prvog ciklusa) u akademskoj 2013/14..... | 115 |
| 136. O D L U K U o odobravanju raspisivanja javnog konkursa..... | 115 |
| 137. RJEŠENJE po članu 61.Zakona o građevinskom zemljištu po zahtjevu Kokić Hamdo iz Raduše..... | 116 |
| 138. RJEŠENJE po članu 61.Zakona o građevinskom zemljištu po zahtjevu Turkeš Rasim iz Dž.Planja..... | 118 |
| 139. ZAKLJUČAK Prihvata se Nacrt Odluke o administrativnim taksama i naknadama..... | 120 |
| 140. ZAKLJUČAK- Nacrt Odluke o zaštitnim zonama i zaštitnim mjerama izvorišta "Studenac" Šije..... | 120 |
| 141. ZAKLJUČAK - Informacija o implementaciji porodične medicine u Tešnju, 2001-2013..... | 121 |
| 142. ZAKLJUČAK kojim OV traži od nadležnih ministarstava da započnu reformu zdravstvenog osiguranja..... | 121 |
| 143. ZAKLJUČAK - Informacija o rješavanju statusa raseljenih lica na području općine Tešanj..... | 121 |
| 144. ZAKLJUČAK Prima se na znanje Informacija o realizaciji I Faze uređenja poslovne zone "Glinište"..... | 121 |
| 145. ZAKLJUČAK – OV će formirati višestranačku komisiju, koja će načelnikom običi sve poslovne zone..... | 121 |

II - AKTI OPĆINSKOG NAČELNIKA

| | |
|--|-----|
| 42. PRAVILNIK o izradi, upotrebi, čuvanju i uništavanju pečata u organu uprave Općine Tešanj..... | 122 |
| 43. RJEŠENJE o imenovanju tima za edukaciju o poboljšanju kvaliteta zraka na području općine Tešanj..... | 123 |
| 44. RJEŠENJE o razrješenju člana upravnog odbora JU Sportsko rekreacioni centar..... | 124 |
| 45. RJEŠENJE o konačnom imenovanju člana Upravnog odbora JU "Sportsko rekreacioni centar" Tešanj..... | 124 |